

आकाशवाणी

- प्रधानमंत्री नरेंद्र मोदी होर छत्तीसगढ़ च केई विकास परियोजनाएं गी शुरू करडन।
- दिल्ली पुलिस नै एन.आ.ए दी सूची च मोस्ट वांटेड ते आ.एस.आ.एस दे मुश्तवा आतंकवादी शहनवाज दे कन्नै होरनें दऊं जनें गी गिरफ्तार कीता ऐ।
- चुनाव कमिशन तेलंगाना च असेंबली चुनाव दी तैयारिं दा जायजा लैग।
- केंद्री मंत्री डाक्टर जितेंद्र सिंह होरें आखेआ जे इसरो गी हुन दुनिया दी अगुवा अंतरिक्ष एजेंसी च मन्नेआ जा रदा ऐ। उनें इसरो दे साइंसदानें गी सम्मानित बी कीता।
- एशिया खेड्डें दे नौमें ध्याड़े भारत नै चांदी दे त्रै ते कैह दे चार तगमें जिते न, भारत नै अजे तोड़ी कुल 60 तगमें जिते दे न।

<><><><><><>

PM-Telangana

प्रधानमंत्री नरेंद्र मोदी छत्तीसगढ़ दे आदिवासी बस्तर खिते च 26 ज्हार करोड़ सोयां मती दी केई विकास परियोजनाएं दी शुरूआत करडन। प्रधानमंत्री होर बस्तर दे नगरनार च कायम एन.एम.डी.सी दे ग्रीन फील्ड स्टील प्लांट गी राष्ट्र गी समर्पि करडन।

प्रधानमंत्री नरेंद्र मोदी होर दपैहरी तेलंगाना च मनोहराबाद ते सिद्दीपेट बश्कार नमीं रेल लाइन गी लोके गी समर्पित करडन। प्रधानमंत्री होर धर्माबाद ते मनोहराबाद बश्कार रेल लाइन दा बिजलीकरण करडन। ओह तेलंगाना दे निजामाबाद सोयां आंध्र प्रदेश दे महबूब नगर ते करनूल दी रेल लाइन दे बिजलीकरण दी बी शुरूआत करडन। प्रधानमंत्री होर निजामाबाद च 8 ज्हार रपे दी बक्ख-बक्ख विकास परियोजनाएं दा लोकार्पण करडन। ओह रामगुंडम च एन.टी.पी.सी दे 800 मैगावाट बिजली केंद्र दा उद्घाटन करडन। श्री मोदी 20 जिला मुख्यालयें च प्रधानमंत्री आयुश्मान भारत योजना स्वास्थ्य दे बुनियादी ञांचे दा बी नीह पत्थर रक्खडन। 516 करोड़ रपे दी इस परियोजना च 50 बिस्तरें आले क्रिटिकल केयर ब्लॉक तयार कीते जाडन।

<><><><><><>

PM-MP

प्रधानमंत्री होरें मध्य प्रदेश च नेकां विकास परियोजनाएं दा नीह पत्थर रक्खेआ ते केई दा उद्घाटन कीता। प्रधानमंत्री होरें मध्य प्रदेश दे ग्वालियर च लगभग 19 ज्हार 260 करोड़ रपे दी केई विकास परियोजनाएं दा नीह पत्थर रक्खेआ ते केइएं दा उद्घाटन कीत। उनें दिल्ली-बड़ोदरा एक्सप्रेस वे बी राष्ट्र दे लोके गी समर्पित कीता। एहदे पर तकरीबन 11 ज्हार 895 करोड़ रपे दा खर्चा आया ऐ। उनें इक ज्हार 880 करोड़ रपे दी 5 बक्ख-बक्ख शिड़क परियोजनाएं दा नीह पत्थर रक्खेआ।

प्रधानमंत्री आवास योजना ग्रामीण तैहत 2 लक्ख 20 ज्हार ते प्रधानमंत्री आवास योजना शैहरी तैहत बने दे इक ज्हार 355 घर जिंदे पर 140 करोड़ रुपें दी लागत आ॥ ऐ, ओह बी लाभार्थिं गी दिते। प्रधानमंत्री होरें इक ज्हार 530 करोड़ रुपे दी लागत दे जल जीवन मिशन प्रौजैक्टें दा ग्वालियर ते शेयोपुर जिले ले॥ नीह पत्थर रक्खेआ। गंगटोक-भितारवार ते सोडा परियोजनाएं कन्नै 3 लक्ख ग्रामीणें गी पीने आला पानी उपलब्ध होग। प्रधानमंत्री होरें ग्वालियर, विदिशा, बेटल, कटनी, बुरहानपुर, परसिंहपुर, दमोह ते अगर मालवा च मरीजें दी बड़ी मती दिक्खभाल आले क्रिटिकल केयर यूनिट् दा नीह पत्थर रक्खेआ। इनेंगी 150 करोड़ रुपे थ्वां बद्द दी लागत कन्नै तयार कीती जाग।

<><><><><><>

EC-Telangana

चुना कमिशन दी इक टीम मुख चुनां कमिशनर राजीव कुमार हुंदी अध्यक्षता च अगले त्रऊं दिनें तोड़ी तेलंगाना च चुनां दी तैयारिं दा जायजा लैग। अपने दौरे दौरान चुनां कमिशन दी टीम राजनैतिक पार्टिं ते एजेंसिं कन्नै मीटिंग करोग। जिला कमिशनर ते एस.पी कल टीम गी चुना दिं तैयारिं बारै प्रेजेंटेशन देग। टीम स्वीप सरबन्धी कार्यक्रमें च हिस्सा लैग ते कन्नै युवा मतदाताएं ते राज्यें दी हस्तिं कन्नै बी मलाटी करोग।

अपने दौरे दे खीरी ध्याड़े चुना कमिशन दी टीम राज्य दे मुख सचिव ते पुलस महानिदेशक हुंदे कन्नै मलाटी करोग। तेलंगाना च इस बरै दे खीरी च असेंबली चुना होने न।

<><><><><><>

NIA

दिल्ली पुलस दे विशेष सीगे आस्सेआ कल दक्खनी दिल्ली च जैतपुर सोयां संदिग्ध आ[.एस.आ[.एस आतंकवादी शाहनवाज गी गिरफ्तार कीता गेआ। राश्ट्री जांच एजेंसी गी एहदी तपाश ही ते एदे पर 3 लक्ख रपे दा ानाम रक्खेआ गेदा हा। शाहनवाज दे अलावा 2 होर वांछित आतंकवादी गी बी गिरफ्तार कीता गेआ। दिल्ली पुलस दे विशेष आयुक्त होरें दस्सेआ जे शाहनवाज दे ठिकाने सोयां पाकिस्तान स्थित संचालकें आस्सेआ भेजे गेदे बम बनाने दा समान ते होर दुआ आपत्तिजनक समेयान बरामद होआ।

<><><><><><>

Jitender Singh-ISRO

केंद्री विज्ञान ते टेकनालजी मंत्री डाक्टर जितेंद्र सिंह होरें आखेआ ऐ जे अंतरिक्ष क्षेत्र च अनुसंधान गी लेइयै भारत दा रूतबा दुनिया भरै च दिनों दिन बधदा जा करदा ऐ ते हून स्हाड़ी बरोबरी अंतरिक्ष क्षेत्र दे दिग्गजें कन्नै होआ करदी ऐ।

कल नमीं दिल्ली च लोआए गेदे समारोह दौरान इसरो दे साइंसदानें गी सम्मानित करदे मौके डाक्टर जितेंद्र सिंह होरें आखेआ जे अज्ज इसरो दी पंछान दुनिया च उन्नी गै महत्वपूर्ण ऐ जिन्नी कदें नास ते होर दुइए एजेंसिएं दी होंदी ही। उनें गलाया जे अमरीका ते रूस जनेए मुख्य जेड़े कदें भारत गी इयां गै समझदे हे, उइयै अज्ज भारत कन्नै भ्याली करने गी तैयार न।

Bihar-Survey

बिहार च जाति आधारित सर्वे दी रिपोर्ट जारी करी दिती गे। ऐ। राज्य दे कार्यवाहक मुख सचिव विवेक कुमार सिंह होरें पटना च इस रिपोर्ट गी जारी कीता। 101 बरके आली इस रिपोर्ट च राज्य दी अबादी 13 करोड़ 7 लख थां बद्द रौहने दी मेद ऐ। रिपोर्ट मुजब राज्य च बडत्रे मते पच्छडत्रे दे वर्ग दा फीसद सब्बनें थां बद्द ऐ जेड़ा कुल अबादी दा 36 फीसद थां मता ऐ। सर्वे मुजब अनुसूचित जाति दा फीसद 19 अशारिया 6-5 फीसद ऐ। राज्य च पच्छड़े दे वर्ग दी आबादी 27 अशारिया 172 ऐ ते इन्नी गिनतरी तकरीबन 3 करोड़ 54 लख ऐ। आम श्रेणी दा फीसद 15 अशारिया 5-2 फीसद ऐ जेड़ा राज्य दी कुल अबादी दा 2 अशारिया 0-2 करोड़ ऐ। जनजातीय आबादी 1 अशारिया 6-8 फीसद ऐ।

<><><><><><><>

Gandhi

मुख्य नै महात्मा गांधी होरें गी उन्दी 154मीं जयंती दे मौके पर श्रद्धांजलि दिती। इस मौके पर मुख्य भरै च केई कार्यक्रम आयोजित कीते गे। सर्व धर्म प्रार्थना सभा नै दिल्ली राजघाट च बापू हुंदी समाधि पर कार्यक्रम आयोजित कीता। राष्ट्रपति द्रौपदी मुर्मू, उपराष्ट्रपति जगदीप धनखड़ ते प्रधानमंत्री नरेंद्र मोदी होरें महात्मा गांधी होरें गी पुष्पांजलि दिती। एहदे इलावा लोकसभा दे स्पीकर ओम बिरला, केंद्री मंत्री हरदीप सिंह पुरी, कांग्रेस दे अध्यक्ष मल्लिकार्जुन खड़गे होरें बी उनेंगी श्रद्धांजलि दिती।

Asian-Games

चीन च होआ रदी एशिया॥ खेड़ें च अज्ज भारत नै त्रुं चांदी ते चार कैह दे तगमें अपने नां कीते न। एहदे कन्नै गै भारत कोल तगमें दी कुल गिनतरी 60 हो॥ गो॥ एशिया॥ खेड़ें च इस बरे 100 दे पार आहले लक्ष्य गी ध्यानै च रखदे हो॥ भारती खडारिएं दा शानदार प्रदर्शन 9में ध्याड़े बी दिक्खने गी लब्बा। इसलै भारत 13 सुन्ने दे, 24 चांदी ते 23 कैह दे तगमें कन्नै कुल 60 तगमें अपने नां करियै चौथी थार पर ऐ।